

## 第四章 樓蘭文化與中國之經營

在海道開通以前，凡東西人士往來，必須經過新疆。樓蘭居東西交通之咽喉，又爲東西人士所必經之地，必有遺留物供吾人之探考，已無可諱言。今之考古學者，專就屬於西方遺物立論，謂西域絕不受漢文明之影響；余於二十二年高昌陶集出版時，其敘論中已再三辯論其事。今樓蘭又屆出版之時，故仍本前意，重爲申述，藉資考究焉。

一、樓蘭土著民族之推測及其文化 若論樓蘭土著民族爲何種型，此爲一最艱窘之問題。一者古時居於此地土人之記載不全，二者中國傳記所載亦不明晰，且古時東西人種交互往來，遷徙無常，至爲複雜，亦難得確實之推論。雖近今考古學家及人類學家，就地下出土之遺物及人類之遺骸，作有種種之推論，（一）但亦不能有一真確之斷語。故余茲篇所述，即欲避免此種煩難問題，專就樓蘭民族之生活狀況，加以推測，研究其爲何等民族，其文化若何；至來源問題，則非余所論之範圍也。

近五十年來，東西考古學者赴羅布區域考察，有一共同而顯著之事實，即在羅布淖爾海水周圍沙漠灘中，採拾不少石器。就余所採集石器種類爲言，大件者有石斧、石刀、捶石、礪石等類；小件者有石刃片及各種石矢鏃等類，大概均爲打製；尚有帶彩陶片同出土，共約百餘件。其詳均具於下篇器物圖說中，茲不贅述。在余之前後，尚有斯文赫定博士、斯坦因博士，均採獲不少石器，在其報告書中印出。後余者有同團柏格孟君、陳宗器君，亦採集少許，其形式與製作，大致相同。有時尙能拾得磨製極精，以玉爲質之精美石器，間雜以金屬物。凡此石器所分布之區域，大概在涸海沿岸及鹽層地帶，即古樓蘭國故地。因此凡旅行羅布沙漠之人，均有同一之感覺：即在金屬文化輸入樓蘭以前，樓蘭有一時期爲新石器時代，或金石並用時代。至樓蘭人應用此石器之時代，余最贊同斯坦因之說。斯坦因在其名著亞洲之腹部（Innermost Asia）中敘述在 L.F. 高岡上之採獲，覓得許多零銅